



Future-proofing our children

Tiisezo 1

Toho ya Tuto Nako ya ku ba siyo kwa Baapositola

Buka ya Bashemi
Sikolo sa la Sunda sa mwa Malapa



Balatiwa Bashemi

Mu amuhelwa kwa tuto ya “Nako ya ku ba siyo kwa Baapositola” ya sikolo sa Tiisezo 1. Pampili ye, imi tusa hanyinyani ka mo, muswanela ku fela tuto ye.

Mukwa wo muswanela ku itukiseza ni fa tuto ye ka ona

Ze tatama ki ze ñwi zeo mu swanela ku ezeza mwa ku itukiseza ni ku fela tuto ye:

Muhato	Sa ku eza
1	<p>Mu kena fa likepe la Keleke Yenca ya Baapositola, ka ku sebelisa likepe le fa WhatsApp:</p> <p>https://bit.ly/3NACSSHS</p>
2	<p>Mu be ni lisebeliso ze tatama kuli mu kone ku tukiseza kufa hande tuto:</p> <ul style="list-style-type: none"> • Bibeke • Ma pampili a likisizwe kale a tuto ye. • Buka mwa sebeleza mwanana, lopitoloto ni lipendiso za banana, ni zeñwi cwalo. • Video ye lukisizwe, ye kona ku sebeliswa ku ekeza fa halimu a tuto (ha ku konahala) • Katekiseka ni buka ya lipuzo ni likalabo (Kwa banana ba bali mwa lotopa za Tiisezo) <p>Mamela:</p> <p>2.1: Nako yende yakufa tuto ki la Sunda ka kusanani, ka samulaho a sebelezo, sina banana ha ba fiwanga lituto ka nako yeo.</p> <p>2.2. Mukupiwa ku eza tuto ye bukuswani ha ku konahala, ka ku hupula nakonyana yeo banana ba kona ku teezeza ni ku utwisisa hande.</p> <p>(Mu sike mwa bulela ze sa a mani tuto) ya mwanana – Mina ki mina mu ziba hahulu mwana mina ni ku fita.</p> <p><i>Ka mulao, Sikolo sa la Sunda hasi swaneli ku fitelela mizuzu ye mashumi a mane ka ye ketalizoho (45 minutes).</i></p> <p>2.3: Lituto li kauhanyizwe ka litopa (Sikolo sa la Sunda, Taelo ya silumeli ni Tiisezo - SS1, RI1 or Confirmation).</p> <p>2.4: Mulizeze kapa ku ikopanya ni muluti wa ba Sikolo sa la Sunda ha mu tokwa tuso kwa lisebeliso ze bulezwi.</p>
3	<p>Mu lapele (Mubone tapelo ye ñozwi, kwa mafelelezo) mi mu kupe Mulimu kuli ami eze sisebeliso mwa kufa tuto ye, ka mwa latela Yena.</p>



Mufe tuto ya Sikolo sa la Sunda sa mwa Malapa

Mukwa wo muswanela ku itukiseza ni fa tuto ye ka ona

Lu zwela pili ku mifa mikwa, yeo muswanela ku itukiseza ni ku fa tuto ye:

Muhato	Sa ku eza
4	Mu eze sibaka sa tuto kuba se sinzi hande (ku sina lilata) foo mina ni mwanana mu bani ni buino bo buswana. <i>Ka mutala:</i> Mu ine fa lishasha/ fa museme kapa fa lipula ku potoha tafule
5	Mu bale tuto ye lukisizwe. Mu kutele ku ibala hape kuli mui utwisise hande. Mu buhe video ya tuto kuli mube ni kutwisiso hande ya tuto.
6	Mu iñolele tuñusanyana twa butokwa to mubata ku hupula ha mufa tuto.
7	Mu utwisise butokwa bwa tuto, yeo mwanana a swanezi ku mamela ni ku sa libala.
8	Mu fe mwana mina tuto ye, ka ku mukandekela likande la tuto. Mu kona ni haiba ku mu balela likande le ha mu tabela.
9	Mu supeze mwana mina video, mi muketele butokwa mwa tuto ye.
10	Mu bulelele ni ku susuweza mwana mina kuli a eze musebezi o mwa buka ya hae, ya sikolo sa la sunda. (Nina ni lata ku)
11	Mu lapele kapa mu kupe mwanana kuli a lapele kaku kwala tuto.

Lisebeliso ze fumanaha ku amana in Sikolo sa mwa Malapa

Ze tatama ki lisebeliso ze kona ku ekeza ni ku tiiseza butokwa bwa tuto:

1. Mu eze WhatsApp chat tuto ye ni mabasi a mañwi a Tiisezo.
2. Mu ambole ni bashemi ba banwi kuli mube ni kutwisiso ku amana ni tuto pili mu sika ifa kale ku mwana mina.
3. Mu be baba lukuluhile, ku batisisa litaba zemwi ku amana ni tuto ye.



Tuto

Toho ya Tuto	Nako ya ku ba siyo kwa Baapositola
Palo ya linzwi	Palo ya linzwi i fumaneha mwa Tuto ye kusufalizwe
Mutomo/butokwa bwa Tuto	Banana ba ituta ka mo keleke ya Sikreste ya pili ne i zwezi pili kasamulaho wa ku shwa kwa Baapositola ba pili.

Tuto ye kusufalizwe:

Zibahazo

Jesu ha na inzi mwa lifasi, na ikabezi mulelo wa piliso wa Mulimu ni batu. Jesu na kona ku fita kwa batu ba sikai feela. Jesu ha sa shwile, a toma mukwa wa piliso ya batu kamukana. A luma Baapositola ku ba lindumeleti ba Hae: “Mu ye cwale, mu lute macaba kaufela” (Mateu 28:19 ni bona ne ba sa koni ku fita kwa batu kamukana.

Viki ye lu buza puzo ye: “Ne ku ezahezi ñi kasamulaho Muapositola wa mafelelezo mwa keleke ya pili ha shwa?”

Mabishopu ba ba bona baetapili ba silumeli:

- Ku zwa nako ya lifu la Muapositola wa mafelelezo (ka myaha ye mwanda ku zwa Jesu a pepwa) ku isa fa lilimo ze myanda ye mi ne, ku bizwa nako ya ku ba siyo kwa Baapositola mwa keleke ya pili.
- Mabishopu ba nga buikalabelo bwa likopano, ba li babalela, mi ba zwelapili ku hasanya evangeli ya Jesu.
- Mabishopu ba mwa nako ya ku ba siyo kwa Baapositola, n’o ba eza mikopano ku ikambota litaba za keleke, ni ku nga mihupulo ili kuli buñwi bwa tuto bu be teñi.
- Ba tisa milao, ye cwale ka tuto ya Bulalu bwa Mulimu, yeo ki ya butokwa mwa tumelo ya Silumeli:
 - Likeleke kaufela za Silumeli, mane ni batu ba lumela mwa Bulalu bwa Mulimu.
 - Ba lumela ku Mulimu Ndate, Mulimu Mwana ni Mulimu Moya O Kenile.
 - Keleke ye kenile i li ñwi [lifasi] ni keleke ya Baapositola.

Nyandiso ya Balumeli:

- Babusi ba Siroma ka nako yeo, n’o ba talima keleke ku ba ya butokwa, mi seo n’o si ekeza kwa maata a puso ya bona.
- Zwelopili ya litaba za naha mwa Siroma, ne i itingile kwa batu bao no ba lapela milimu. Ne li mukwa wo ka ona ne ba zamaisa kahupulelo ka batu.
- Haili Balumeli bona, bakeñisa tumelo ya bona (ya kuli Mulimu ya pila ki yena Mulimu a nosi) ne ba hana ku lapela milimu.



- Balumeli ba bañata ba bulaiwa ka situhu (ka ku pahekwa fa sifapahano, ku fiwa ku ba sico sa libatana inge ba pila, kapa ku ciswa mulilo mutu inge a pila) kakuli no ba hana ku lapela babusi kapa milimu.
- Ba bañwi ne ba nenaunwa ni ku shendwa ki batu.

Ndwa ya tumelo ni kutwisiso ya tumelo.

- Ku bapanya nako yeo lu lutilwe ka za yona kacenu, luna lu pila mwa naha mo ku na ni tukelo ya silumeli. Nihakulicwalo, ku na ni linaha mo balumeli ba nyandisa ni ku bulaiwa.

Kana s'o ki le wa nenaunwa bakeñisa tumelo ya hao nji?

- Mwa linako ze ñwi lu ipumananga mwa buino bo bu tokwa kuli lu kenise hande mayemo a luna ni ku patalaza tumelo ya luna.
- Ku patalaza tumelo ya luna ku konak u tisa likomano – mwendi mu boni mukwa o cwalo mwa sikolo kapa mwa silikani – sihulu kapelezo ka silikani!
- Ni ha kuli cwalo, lu tokwa ku patalaza tumelo ya luna.
- Sina ka bana ba Mulimu, ba lumela kuli Ndat'a luna wa lihalimu u ka lu ina bukaufi.
- Ha lu swaneli ku ba ni sabo hape. Mateu 10:32 “Mutu kaufela ya ka ni bulela kwa batu, ni na ni ka mu bulela ku Ndate ya kwa lihalimu.”

Tuto ye i talusa ñi ku luna kacenu?

- Jesu na patuluzi mulelo wa piliso wa Mulimu, mi ka lifu la Hae a toma bukamusu bwa luna ni Yena, ni Ndat'a luna wa lihalimu.
- Baapositola ba nako yeo ba zwelapili ku luta ni ku lukisa Balumeli kuli ba be ni bukamusu ni Mulimu.
- Bupilo bwa Balumeli ba bañata bu cincize bakeñisa tuto ya Jesu, mane ku cwalo ni kacenu.
- Balumeli ba bañata no ba nyandisizwe ni ku bulaelwa tumelo ya bona ka nako yeo.
- Ni tokwa ku tapalaza ni ku pila ka tumelo ya ka, ni kuli ni si ke ku saba ku sabiswa kapa ku hanwa ki batu (ku nyandiswa).

Ze ki zona lipuzo ni likalabo mwa buka ya misebezi:



1. Ku fitile nako ye kuma kai ku zwa Jesu ha shwa, Baapositola inge ba etelezi Balumeli?

Kalabo: Nako ha lu i zibi hande, kono ku kulubelwa kuli ki lilimo ze mwanda ku zwa fa ku pepwa kwa Jesu.

2. Ne ku ezahezi ni kasamulaho Baapositola se ba shwile?

Kalabo: Mabishopu mwa keleke mwa nako yeo, ba lwala buikalabelo bwa keleke kaufela. Kono ki kwa butokwa ku lemuha kuli, ni ha Baapositola ba nako yeo ne ba shwile, situlo seo sona ne si si ka shwa. Mwahala silimo, mu ka ituta ka butungi ku amana ni musebezi ya situlo sa Baapositola.

3. Batu ne ba nyandiswa cwañi ka nako yeo?

Kalabo: Balumeli ne ba bulawa ka situhu (ka ku pahekwa fa sifapahano, sina ku sico sa libatana mutu inga pila, kapa ku ciswa ka mulilo mutu inga pila).

4. Ya na file taelo ya nyandiso ye ki mañi?

Kalabo: ne li hahulu babusi ba Siroma. Haiba u tokwa ku utwa ka butungi, batisisa za babusi ba ba tatama: Nero, Constantine, Theodosius, Decius, Domitian ni Diocletian.

5. Ka na ku tata hahulu ku utwisisa kuli batu ba itombola ku shwela tumelo ya bona nji?

Kalabo: Eee, zibo ya ku bata ku pila ki ye tuna, ni lu ka eza katata kuli lu pile, mane ni haiba ku puma ka za tumelo ya luna. Kono haiba lu talima hande mwa nako yeo, ne ku na ni litaba ze ñata zeo ne li ezahalile zeo li tisa kuli lu utwisise. Mwan'a mulimu u cincize lifasi ka mukwa o mutuna. Jesu a hasanyilize batu kaufela evangeli. Batu bao ne ba amuhezi tuto ni mikwa ya Jesu ba bonahalile. Balumeli ba ne ba ezana hande yo muñwi ku yo muñwi, ku si na ku talima mayemo a mutu mwa sicaba, kapa njebwe kapa mufumi, ya lukuluhile kapa ya si ka lukuluha. Batu kaufela mwa kopano ne ba likanelela. Seo ne si hapile bafuzana ba ba ñata. Ku lukuluha kwa Balumeli kwa ku patalaza tumelo ya bona, ku tisize kuli ba ba ñwi ba komoke maata ni sepo ya Balumeli. Balumeli no ba i tukiselize ku shwela tumelo ya bona.

Tapelo ya Bondate ni Boma ye fiwa pili tuto isi ka tateka:

*Mulimu ya lateha. Lwa itumela kwa lizazi la kacenu
Fuyola bashemi ni banana ba luna
Tusa kuli lukone ku lemuha ku bateni kwa Hao
Fuyola tuto yoe lu taba ni yona
Lwa kupa, ulu lute mo lu swanela ku ku sebeleza
Mi ulutuse ku eza tato ya Hao
Kuli lu hule mwa kuba bukaufi ni Wena
Luma Jesu ato lunga
Mi ulutuse kuba baba itukiselize ku mukatanyeza,
Amen.*